

## Fisheries Improvement Project – killiffik

Europami niuerfiusuni Kalaallit Nunaannit qalerallit piumaneqartorujussuupput. Ingammillu piumaneqarput sinerissamut qanittumi qalerallit tunisassiarineqartut. Niuertarfippassuit annertusiartuinnartumik ugartugarivaat tunisassiat MSC-mik ilisarnaasigaasut. Taamaattumillu Sustainable Fisheries Greenland (SFG) / (Kalaallit Nunaanni Nungusaataangitsumik Aalisarnermik ingerlatsineq) 2018-imi septemberimi aallartitsivoq taasamik Fisheries Improvement Project (FIP), anguniarlugu ukiut tulliuttut 2-3-t ingerlanerini sinerissamut qanittumi qalerallinniarnerup MSC-mit pappialalernerqarluni ingerlanneqalernissaa.

Ingerlanneqartup aallartinnerata aallaqqaataani suliarineqarpoq nalunaarusiaq taaneqartoq MSC pre-assessment rapport, tamatumunngalu atatillugu sumiffinni assigiinngitsuni aalisartut ataatsimeeqatigineqarput. Ataatsimeeqatigiinnerni FIP-mik ingerlatsineq ilisartinneqarpoq suunersorlu nassuiarneqarluni aammalu oqallisigineqarlutik assigiinngitsut aalisartut qalerallinniarnerminnut atatillugu kissaatigisaat. Ingerlanneqartummi iluatsilluarnissaannut pingaarluinnartuuvoq, sumiiffinni assigiinngitsuni aalisartuusut akuliutsinneqarlutik peqataatinneqalernissaat taamallu anguniakkap suuneranik ilisimaarinnilersinnissaat.

### Killiffik april 2019

2018-imi novemberimi Upernavimmi Ilulissanilu aalisartut ataatsimeeqatigineqarput. Uummannamili aalisartunik ataatsimeeqateqarnissaq silap ajornera peqqutigalugu unitsinneqartariaqarsimavoq, 2019-imili ingerlanneqarumaarluni. 2018-imi decemberip qaammataagaa nalunaarusiaq MSC pre-assessment naammassineqarpoq. Nalunaarusiami erseqqissarneqarput, sutigut iliuuseqartoqartariaqartoq, anguniakkap aallartinneqarnissaa pilertinnagu. Tamatumunngalu atatillugu ataaani sulisusussanik assigiinngitsunik pilersitsisoqarpoq, MSC-mit pappialalernerqarnissap tungaanut aporfiusinnaasunik qulaajaasussanik.

### Aalisarnermi anguniarneqartut

Sinerissamut qanittumi qalerallinniarnermik aqutsineq immikkuullarissuuvoq, tukertoqartarnera sinerissap tungaani annertunngimmat. Taamaattumik pingaartuuvoq aalisarnerup tunngavissaanik annertusaaviusut sumiittut paasissallugit uuttuutigalugit tonsit tulaanneqartartut imal. qalerallit agguaqatigiissitsinikkut angissusaat (centimeter uuttuutigalugu).

Kisiannili uuttueriaaseq sorleq atorneqaraluarpuunniit, pisariaqarlunartuuvoq sinaakkusiutissallugit, peqassutsit qanoq siunnerfeqartumik paasiniarnissaat taamallu qulaajarlugit aalisarnerit qaffasippallaartumik appasissumilluunniit ingerlanneqarnerisut.

Qulequtaasup ataaani sulisinneqartut aalisagaqassutsit qulaajarnerini suleriutsinik tunngavilersuipput. Aalisakkallu ukiuinik eqqortumik nalilersueriaasissaq naniniarneqariapat, suleriuseq pitsanngorsarneqarsinnaalissaaq taamallu uuttortarneqarsinnaalissalluni aalisarnerq qanoq peqassutsimut qanoq annertutigisumik annertutigisimasumillu ingerlanneqarsimanersoq. Minnerunngitsumillu pingaaruteqassaaq paasissallugu, qalerallit angissusaat qanoq sunnerneqartoq maanna aalisarnermit allatullu ingerlatsinernit.

### Aqutsineq

MSC-imit pappialalernerqarneq anguneqassappat pisariaqarpoq allaganngorlugi aalisarnissamik periusissatut pileersarusiamik takussutissiinissaq, pisat suunerinik saniatigullu pisarineqartartunik nalunaaruteqarnermik imaqartumik. Aammalu pimasarisavaoq, aalisarnermi TAC-ip ilisimatusarnerit tunngavigalugit annertussusilerneqarnissaa.

Taamaattumik sumiiffiit aaliangersimasumik annertussusiligaasunik aalisakkanik pisaqarfiusinnaasuungitsut MSC-mit allagartalerneqarnissamut aporfissiisuupput. FIP-ip ataani suleqatigiissitaasup taamaattut atorunnaarsinneqarsinnaappata kingunerusinnaasut misissorpaat.

Naliliisoqarporlu, taaneqartunik atorunnaarsitsinerit annertunerusumik sunniuteqarnaviangitsut, tassa aqunneqartumik aalisarfigineqartut ataasiakkaat iluini pisarineqartartut naleqatigipajaarmatigit aalisarfinni minnerusuni nakkutigineqarluni killilersugaasumik pisarineqartartut.

### **Aalisarnermi atortut atorneqartartut**

Aalisaatit annaaneqartartut assigiinngitsorpassuartigit unamminartuupput aamma soqutigisaqaqatigisanut. Tamanna ingammik paasinarsivoq aalisartut ataatsimeeqatigigatsigit tamannalu FIP-mik ingerlatsinermi saqqummiuteqqikkumaneqarpoq.

Unamminartua tassaavoq aalisaatit annaaneqartut immap naqqani katersuuttarnerat taamallu aalisarfissanik aseruisarnerat. Qassutillu kivinikut "aalisaqqittarput" immamillu mikroplastinik aqerlumillu mingutsiterisarlutik.

Taamaattumik FIP avataani suleqatigiinnik pilersitsisoqarnikuuvoq (GN, KNAPK, SFG), taakkulu ingerlanniakkamut avataanit aningaasaliisussarsiorput, uppersarsaasersugaasumik ajornartorsiut qulaajarumallugu aammalu aalisaatit annaasat siunissami qanoq iliuseqarfigisinnaanerannik peeriusissioinnissaq ingerlassinnaajumallugu..

### **Piffissaq aggersoq**

Piffissami aggersumi FIP-p ataani suleqatigiissitaq junip qaammataani ataatsimiinniarpoq, tassani suleqatigiissitap angusai oqallissigissallugit.

Allattut: Kristina Guldbæk aamma Rasmus Hedeholm  
April 2019